

大佛頂首楞嚴經 卷四

④ 一廣破餘疑分二

己 一約四諦顯如來藏而勸妙修分一

① 一明事理性相本融分三

庚 一因滿慈躡疑而廣顯分一

⑤ 一疑請分二

辛 一承前問許

② 一敘敬

爾時，富樓那彌多羅尼子在大眾中即從座起，偏袒右肩，右膝著地，合掌恭敬而白佛言：

② 一歎述分二

③ 一歎教

大佛頂首楞嚴經科會

大佛頂首楞嚴經科會

『大威德世尊！善為眾生敷演如來第一義諦。』

④ 一述請分三

⑤ 一總述疑情

世尊常推「說法人中我為第一」，今聞如來微妙法音，猶如聾人逾百步外聆於蚊蚋。本所不見，何況得聞？佛雖宣明，令我除惑，今猶未詳斯義究竟無疑惑地。

世尊！如阿難輩，雖則開悟，習漏未除；我等會中登無漏者，雖盡諸漏，今聞如來所說法音，尚紆疑悔。

⑥ 一別述二難分二

⑦ 一從陰入處界文中起理違事難

世尊！若復世間一切根塵陰處界等。皆如來藏清淨本然，云何忽生山河大地諸有為相。次第遷流。終而復始？

⑤ 二從七大文中起相違性難

又，如來說「地水火風・本性圓融・周徧法界・湛然常住」，世尊！若地性徧，云何容水？水性周徧，火則不生。復云何明水火二性俱徧虛空・不相陵滅？

世尊！地性障礙，空性虛通，云何二俱周徧法界？

⑥ 二請佛開示

而我不知是義攸往，惟願如來宣流大慈，開我迷雲・及諸大眾！』作是語已，五體投地，欽渴如來無上慈誨。

⑦ 二許宣

爾時，世尊告富樓那及諸會中漏盡無學諸阿羅漢：『如來今日，普爲此會宣勝義中眞勝義性，令汝會中定性聲聞及諸一切未得二空迴向上乘阿羅漢等，皆獲一乘寂滅場地眞

阿練若正修行處。汝今諦聽！當爲汝說。』富樓那等欽佛法音，默然承聽。

⑧ 二正說^{分二}

辛二 次第說示^{分四}

① 一答迷眞起妄以釋理違事難^{分二}

壬一 顯如來藏集苦因果

② 一總辨眞覺^{分二}

③ 一直指覺性本來寂照

佛言：『富樓那！如汝所言「清淨本然・云何忽生山河大地」，汝常不聞如來宣說「性覺妙明・本覺明妙」？』

富樓那言：『唯！然！世尊！我常聞佛宣說斯義。』

④ 二雙破覺非明與不明

佛言：『汝稱覺明，爲復性明・稱名爲覺？爲覺不明・稱

爲明覺？」

富樓那言：「若此不明名爲覺者，則無所明？」

佛言：「若無所明則無明覺，有所非覺，無所非明，無明又非覺湛明性。

⑧ 一別明迷悟分二

⑨ 一明衆生迷真成妄分三

⑩ 一明所起妄因

性覺必明，妄爲明覺。覺非所明，因明立所；所既妄立，生汝妄能。無同異中，熾然成異。異彼所異，因異立同；同異發明，因此復立無同無異。如是擾亂，相待生勞。勞久發塵，自相渾濁。由是引起塵勞煩惱。

⑪ 一明所感妄果分二

大佛頂首楞嚴經科會

五

大佛頂首楞嚴經科會

六

⑫ 一牒上略明二相

起爲世界，靜成虛空。虛空爲同，世界爲異，彼無同異真有爲法。

⑬ 一廣顯三種相續分三

⑭ 一明世界相續

覺明空昧相待成搖，故有風輪執持世界。因空生搖，堅明立礙，彼金寶者明覺立堅，故有金輪保持國土。堅覺寶成，搖明風出，風金相摩，故有火光爲變化性。寶明生潤，火光上蒸，故有水輪含十方界。火騰水降，交發立堅，濕爲巨海。乾爲洲渾。以是義故，彼大海中火光常起，彼洲渾中江河常注。水勢劣火，結爲高山；是故山石擊則成燄。融則成水。土勢劣水，抽爲草木；是故林藪遇燒成土。

因絞成水。交妄發生，遞相爲種。以是因緣，世界相續。

①二明衆生相續

復次，富樓那！明妄非他，覺明爲咎。所妄既立，明理不踰。以是因緣，聽不出聲。見不超色，色香味觸。六妄成就。由是分開見覺聞知。同業相纏，合離成化。見明色發，明見想成。異見成憎，同想成愛。流愛爲種，納想爲胎。交遘發生，吸引同業，故有因緣生羯羅藍過蒲曇等。胎卵濕化，隨其所應。卵唯想生，胎因情有；濕以合感，化以離應。情想合離更相變易，所有受業逐其飛沈。以是因緣，衆生相續。

①三明業果相續

富樓那！想愛同結，愛不能離，則諸世間父母子孫相生不

斷，是等則以欲貪爲本。貪愛同滋，貪不能止，則諸世間卵化濕胎隨力強弱遞相吞食，是等則以殺貪爲本。以人食羊，羊死爲人。人死爲羊，如是乃至十生之類，死死生生。互來相噉，惡業俱生。窮未來際，是等則以盜貪爲本。汝負我命。我還汝債，以是因緣，經百千劫常在生死。汝愛我心。我憐汝色，以是因緣，經百千劫常在纏縛。唯殺盜婬三爲根本。以是因緣，業果相續。

①三結果歸因

富樓那！如是三種顛倒相續，皆是覺明。明了知性，因了發相。從妄見生，山河大地諸有爲相次第遷流。因此虛妄，終而復始。』

㊦ 一領義起疑

富樓那言：『若此妙覺本妙覺明，與如來心不增不減，無狀忽生山河大地諸有為相；如來今得妙空明覺，山河大地有為習漏何當復生？』

㊦ 二舉喻答釋分二

㊦ 一喻妄因妄果其體本真

佛告富樓那：『譬如迷人，於一聚落惑南為北，此迷為復因迷而有？因悟所出？』

富樓那言：『如是迷人，亦不因迷，又不因悟。何以故？迷本無根，云何因迷？悟非生迷，云何因悟？』

佛言：『彼之迷人正在迷時，倏有悟人指示令悟。富樓那！於意云何？此人縱迷，於此聚落更生迷不？』

『不也。世尊！』

『富樓那！十方如來亦復如是。此迷無本，性畢竟空。昔本無迷，似有迷覺；覺迷迷滅，覺不生迷。

亦如翳人見空中華，翳病若除，華於空滅。忽有愚人，於彼空華所滅空地，待華更生，汝觀是人為愚為慧？』

富樓那言：『空元無華，妄見生滅。見華滅空，已是顛倒；敕令更出，斯實狂癡。云何更名如是狂人為愚為慧？』

佛言：『如汝所解，云何問言諸佛如來妙覺明空，何當更出山河大地？』

㊦ 二喻真智真斷不重起妄

又如金礦雜於精金，其金一純，更不成雜。

如木成灰，不重為木。

諸佛如來菩提涅槃，亦復如是。

①二答相隨性徧以釋相違性難^{分二}

壬三 顯如來藏相本圖

融

②一牒問

富樓那！又汝問言，地水火風，本性圓融，周徧法界，疑水火性不相陵滅；又徵虛空及諸大地俱徧法界，不合相容。

③二正答^{分二}

④一舉喻

富樓那！譬如虛空，體非群相，而不拒彼諸相發揮。

大佛頂首楞嚴經科會

二

大佛頂首楞嚴經科會

三

所以者何？富樓那！彼太虛空，日照則明，雲屯則暗，風搖則動，霧澄則清，氣凝則濁，土積成霾，水澄成映。

於意云何？如是殊方諸有為相，為因彼生？為復空有？

若彼所生，富樓那！且日照時既是日明，十方世界同為日色，云何空中更見圓日？

若是空明，空應自照，云何中宵雲霧之時不生光耀？

當知是明，非日非空，不異空日。

⑤二法合^{分二}

⑥一正合上喻

觀相元妄，無可指陳，猶邀空華結為空果。云何詰其相陵滅義？

觀性元真，唯妙覺明，妙覺明心先非水火。云何復問不相

容者？

真妙覺明亦復如是。汝以空明，則有空現；地水火風各各發明，則各各現；若俱發明，則有俱現。

云何俱現？富樓那！如一水中現於日影，兩人同觀水中之日，東西各行，則各有日隨二人去，一東一西先無準的。不應難言「此日是一。云何各行。各日既雙。云何現一」。宛轉虛妄，無可憑據。

① 二重明理性分三

② 一明不變隨緣用

富樓那！汝以色空相傾相奪於如來藏，而如來藏隨爲色空周徧法界，是故於中風動空澄。日明雲暗，衆生迷悶。背覺合塵，故發塵勞。有世間相。

我以妙明不滅不生合如來藏，而如來藏唯妙覺明圓照法界，是故於中一爲無量。無量爲一，小中現大。大中現小，不動道場。徧十方界，身含十方無盡虛空，於一毛端現寶王刹，坐微塵裡轉大法輪，滅塵合覺，故發真如妙覺明性。

③ 二明隨緣不變體分三

④ 一明隨緣不變如實空義

而如來藏本妙圓心，非心非空。非地非水非風非火；非眼。非耳鼻舌身意；非色。非聲香味觸法；非眼識界，如是乃至非意識界；非明無明。明無明盡，如是乃至非老非死。非老死盡；非苦非集非滅非道；非智非得；非檀那。非尸羅。非毗梨耶。非羼提。非禪那。非般刺若，非波羅蜜。

多；如是乃至非怛闍阿竭。非阿羅訶。三耶三菩；非大涅槃，非常非樂非我非淨；

㊦ 二明隨緣不變如實不空義

以是俱非世出世故。

即如來藏元明心妙，即心即空。即地即水。即風即火；即眼。即耳鼻舌身意；即色。即聲香味觸法；即眼識界。如是乃至即意識界；即明無明。明無明盡，如是乃至即老即死。即老死盡；即苦即集即滅即道；即智即得；即檀那。即尸羅。即毘梨耶。即羼提。即禪那。即般若刺若，即波羅蜜多；如是乃至即怛闍阿竭。即阿羅訶。三耶三菩；即大涅槃，即常即樂即我即淨；

㊧ 三明隨緣不變遮照同時義

以是俱即世出世故。

即如來藏妙明心元，離即離非，是即非即。

㊨ 二結責迷情

如何世間三有衆生及出世間聲聞緣覺。以所知心測度如來無上菩提？用世語言入佛知見？

譬如琴瑟笙篴琵琶，雖有妙音，若無妙指，終不能發。

汝與衆生。亦復如是。寶覺真心。各各圓滿。

如我按指，海印發光；汝暫舉心，塵勞先起。

由不勤求無上覺道，愛念小乘。得少爲足。』

㊩ 一明迷悟因緣無性^{分二}

王四 顯如來藏妄本空寂

㊪ 一答滿慈重徵妄因^{分二}

己二問

富樓那言：『我與如來寶覺圓明真妙淨心無二圓滿，而我昔遭無始妄想，久在輪迴，今得聖乘，猶未究竟。世尊！諸妄一切圓滅，獨妙真常。敢問如來：一切衆生何因有妄，自蔽妙明，受此淪溺？』

己二答^{分二}

庚一明妄本無因^{分三}

辛一立喻

佛告富樓那：『汝雖除疑，餘惑未盡。吾以世間現前諸事，今復問汝：汝豈不聞室羅城中演若達多，忽於晨朝以鏡照面，愛鏡中頭眉目可見，瞋責己頭不見面目，以爲魑魅

，無狀狂走。於意云何？此人何因無故狂走？』

富樓那言：『是人心狂，更無他故。』

辛二顯法

佛言：『妙覺明圓，本圓明妙。既稱爲妄，云何有因？若有所因，云何名妄？自諸妄想展轉相因，從迷積迷以歷塵劫；雖佛發明，猶不能返。如是迷因，因迷自有；識迷無因，妄無所依。尚無有生，欲何爲滅？

得菩提者，如寤時人說夢中事，心縱精明，欲何因緣取夢中物？

辛三結合

況復無因，本無所有。如彼城中演若達多，豈有因緣自怖頭走？忽然狂歇，頭非外得。縱未歇狂，亦何遺失？

富樓那！妄性如是，因何為在？

庚二明真亦無得分二

辛一法

汝但不隨分別世間、業果、衆生，三種相續，三緣斷故。三因不生，則汝心中演若達多狂性自歇，歇即菩提。勝淨明心，本周法界，不從人得。何藉劬勞肯綮修證？

辛二喻

譬如有人於白衣中繫如意珠，不自覺知，窮露他方，乞食馳走；雖實貧窮，珠不會失。忽有智者指示其珠，所願從心，致大饒富；方悟神珠非從外得。』

戊二答阿難再執緣起分三

庚二 因阿難滯聞而勸修

己一疑問

即時，阿難在大衆中，頂禮佛足，起立白佛：『世尊現說殺盜婬業，三緣斷故，三因不生，心中達多狂性自歇；歇即菩提，不從人得。斯則因緣皎然明白，云何如來頓棄因緣？我從因緣心得開悟。世尊！此義何獨我等年少有學聲聞，今此會中大目犍連及舍利弗須菩提等從老梵志聞佛因緣，發心開悟得成無漏。今說菩提不從因緣，則王舍城拘舍梨等所說自然，成第一義？惟垂大悲開發迷悶！』

己二示答分二

庚一破疑分二

辛一卽喻推破分三

壬一立三執

佛告阿難：『即如城中演若達多，狂性因緣若得滅除，則不狂性自然而出；因緣自然，理窮於是。

① 二破二執分二

⊗ 一正破二執分二

⊕ 一約頭破

阿難！演若達多頭本自然，本自其然。無然非自。何因緣故怖頭狂走？若自然頭因緣故狂，何不自然因緣故失？本頭不失，狂怖妄出，會無變易，何藉因緣？

⊕ 二約狂破

本狂自然，本有狂怖；未狂之際，狂何所潛？不狂自然，頭本無妄，何為狂走？

⊗ 二悟本俱非

大佛頂首楞嚴經科會

三三

大佛頂首楞嚴經科會

三三

若悟本頭，識知狂走，因緣自然俱為戲論。

⊗ 二合法結顯分三

⊕ 一直結法

是故我言，三緣斷故即菩提心，

⊕ 二重簡非

「菩提心生・生滅心滅」，此但生滅。滅生俱盡，無功用道。若有自然，如是則明「自然心生・生滅心滅」，此亦生滅。無生滅者名為自然；猶如世間諸相雜和成一體者。名和合性，非和合者稱本然性。

⊕ 三正指是

本然非然，和合非合，合、然・俱離，離合俱非，此句方名無戲論法。

庚二誠勸分一

辛一誠徒聞無功

菩提涅槃尚在遙遠。非汝歷劫辛勤修證，雖復憶持十方如來十二部經清淨妙理如恒河沙，祇益戲論。汝雖談說因緣自然決定明了，人間稱汝多聞第一，以此積劫多聞熏習，不能免離摩登伽難。何須待我佛頂神咒。摩登伽心姪火頓歇得阿那含。於我法中成精進林。愛河乾枯。令汝解脫？

辛二勸真修有益

是故，阿難！汝雖歷劫憶持如來祕密妙嚴，不如一日修無漏業。遠離世間憎愛二苦。如摩登伽宿為姪女，由神咒力銷其愛欲，法中今名性比丘尼，與羅睺母耶輸陀羅同悟宿因，知歷世因貪愛為苦；一念熏修無漏善故，或得出纏，

或蒙授記。如何自欺，尚留觀聽？」

乙二示不生滅為本修因妙三觀門分二

戊一明圓通門分一

丙一為當機示圓通本根分一

己一正教當機雙審性

修分一

丁一歎領述請

庚一阿難悟請

阿難及諸大眾聞佛示誨，疑惑銷除，心悟實相，身意輕安。得未曾有。重復悲淚，頂禮佛足，長跪合掌而白佛言：『無上大悲清淨寶王！善開我心，能以如是種種因緣。方便提獎，引諸沈冥出於苦海。世尊！我今雖承如是法音，知如來藏妙覺明心徧十方界，含育如來十方國土。清淨寶嚴妙覺王刹。如來復責「多聞無功。不逮修習」，我今猶如旅泊之人。忽蒙天王賜與華屋，雖獲大宅。要因門入。

惟願如來不捨大悲，示我在會諸蒙暗者。捐捨小乘。畢獲如來無餘涅槃本發心路，令有學者。從何攝伏矚昔攀緣。得陀羅尼。入佛知見。』作是語已，五體投地，在會一心，佇佛慈旨。

① 二宣示法義分二

庚一 世尊許說分二

② 一經家敘意

辛一 普為開示

爾時，世尊哀愍會中緣覺聲聞於菩提心未自在者，及為當來佛滅度後末法眾生。發菩提心，開無上乘妙修行路。

辛二 正令審擇分一

壬一 總示修圓通須先明二決定義

宣示阿難及諸大眾：

大佛頂首楞嚴經科會

二五

大佛頂首楞嚴經科會

二六

③ 二如來正說分二

④ 一總示因心分二

⑤ 一正明二義分二

⑥ 一總徵

『汝等決定發菩提心。於佛如來妙三摩提不生疲倦，應當先明發覺初心二決定義。』

壬一 徵釋修圓通門云何為二決定義二分

癸一 雙徵

云何初心二義決定？

⑦ 二別釋分二

癸一 別釋分一

① 一應審觀因地發心^{分二}

① 一總勸審觀

阿難！第一義者，汝等若欲捐捨聲聞，修菩薩乘入佛知見，應當審觀「因地發心與果地覺」為同為異。

阿難！若於因地以生滅心為本修因，而求佛乘不生不滅，無有是處。

② 二正示審觀^{分二}

① 一立喻

以是義故，汝當照明諸器世間可作之法，皆從變滅。

阿難！汝觀世間可作之法誰為不壞？

然終不聞爛壞虛空。

何以故？空非可作，由是始終無壞滅故。

② 二示法^{分二}

① 一簡安生滅相合可作喻^{分二}

① 一指安總標

則汝身中，堅相為地，潤濕為水，煖觸為火，動搖為風，由此四纏，分汝湛圓妙覺明心為視為聽為覺為察。從始入終，五疊渾濁。

② 二約義別釋^{分二}

① 一通示濁義

云何為濁？阿難！譬如清水，清潔本然，即彼塵土灰沙之倫，本質留礙，一體法爾，性不相循。有世間人取彼土塵

投於淨水，土失留礙。水亡清潔，容貌汨然，名之爲濁。
汝濁五重，亦復如是。

卯二別解濁名分五

辰一劫濁

阿難！汝見虛空徧十方界，空見不分。有空無體，有見無覺，相織妄成。是第一重，名爲劫濁。

辰二見濁

汝身現搏四大爲體，見聞覺知壅令留礙，水火風土旋令覺知，相織妄成。是第二重，名爲見濁。

辰三煩惱濁

又汝心中憶識誦習，性發知見，容現六塵。離塵無相，離覺無性，相織妄成。是第三重，名煩惱濁。

大佛頂首楞嚴經科會

二九

大佛頂首楞嚴經科會

三〇

辰四衆生濁

又汝朝夕生滅不停，知見每欲留於世間，業運每常遷於國土，相織妄成。是第四重，名衆生濁。

辰五命濁

汝等見聞，元無異性，衆塵隔越。無狀異生。性中相知，用中相背，同異失準，相織妄成。是第五重，名爲命濁。

丑二依無生滅性合虛空喻分二

寅一棄濁就清

阿難！汝今欲令見聞覺知遠契如來常樂我淨，應當先擇死生根本，依不生滅圓湛性成。以湛旋其虛妄滅生，伏還元覺，得元明覺無生滅性爲因地心，然後圓成果地修證。

寅二以喻合法

如澄濁水，貯於靜器，靜深不動，沙土自沈；清水現前，名爲初伏客塵煩惱；去泥純水，名爲永斷根本無明。明相精純，一切變現不爲煩惱，皆合涅槃清淨妙德。

① 一應審詳煩惱根本^{分二}

⊗ 一總勸審詳

子一 詳示圓通境令選
一門深入^{分六}

丑一 示六結根功德圓
缺令選一深入一
淨全淨

第二義者，汝等必欲發菩提心。於菩薩乘生大勇猛。決定棄捐諸有爲相，應當審詳煩惱根本。此無始來發業潤生。

誰作誰受？阿難！汝修菩提，若不審觀煩惱根本，則不能知虛妄根塵何處顛倒。處尙不知，云何降伏取如來位？

⊗ 二正示審詳^{分二}

① 一立喻

阿難！汝觀世間解結之人，不見所結。云何知解？不聞虛空被汝隳裂，何以故？空無形相，無結解故。

② 二示法^{分三}

⊕ 一委示顛倒處所合所結喻^{分三}

⊗ 一總示結根

則汝現前眼耳鼻舌及與身心，六爲賊媒，自劫家寶。由此無始衆生世界生纏縛故，於器世間不能超越。

⊗ 二別示結相^{分二}

卯一約衆生世界以明妄數

阿難！云何名爲衆生世界？世爲遷流，界爲方位。汝今當知東西南北、東南西南、東北西北、上下，爲界，過去、未來、現在，爲世；方位有十，流數有三。一切衆生織妄相成，身中質遷，世界相涉。而此界性設雖十方，定位可明；世間祇目東西南北，上下無位，中無定方，四數必明。與世相涉，三四四三，宛轉十二；流變三疊，一十百千。

卯二約世界妄數以歷六根^{分三}

辰一明性本圓融

總括始終，六根之中，各各功德有千二百。

辰二明用分優劣^{分二}

大佛頂首楞嚴經科會

三三

大佛頂首楞嚴經科會

三四

巳一總明

阿難！汝復於中克定優劣。

巳二別示^{分六}

午一明眼根相

如眼觀見，後暗前明；前方全明，後方全暗，左右旁觀三分之二。統論所作，功德不全；三分言功，一分無德；當知眼唯八百功德。

午二明耳根相

如耳周聽，十方無遺；動若邇遙，靜無邊際；當知耳根圓滿一千二百功德。

午三明鼻根相

如鼻嗅聞，通出入息；有出有入，而闕中交。驗於鼻根，

三分闕一，當知鼻唯八百功德。

④四明舌根相

如舌宣揚，盡諸世間出世間智，言有方分，理無窮盡，當知舌根圓滿一千二百功德。

⑤五明身根相

如身覺觸，識於違順，合時能覺，離中不知。離一合雙，驗於身根，三分闕一，當知身唯八百功德。

⑥六明意根相

如意默容，十方三世一切世間出世間法，唯聖與凡，無不包容盡其涯際，當知意根圓滿一千二百功德。

⑦二正勸詳擇降伏合知解喻分二

⑧一勸簡略明

大佛頂首楞嚴經科會

三五

大佛頂首楞嚴經科會

三六

阿難！汝今欲逆生死欲流，返窮流根，至不生滅，當驗此等六受用根，誰合誰離？誰深誰淺？誰為圓通？誰不圓滿？若能於此悟圓通根，逆彼無始織妄業流，得循圓通，與不圓根日劫相倍。我今備顯六湛圓明本所功德，數量如是，隨汝詳擇其可入者。吾當發明，令汝增進。十方如來，於十八界一一修行，皆得圓滿無上菩提。於其中間，亦無優劣。但汝下劣，未能於中圓自在慧，故我宣揚，令汝但於一門深入。入一無妄，彼六知根一時清淨。』

⑨二因疑廣示分二

⑩一疑請

丑二 明六結根體用融
隔令知一隨拔一
脫圓脫

阿難白佛言：『世尊！云何逆流深入一門，能令六根一時清淨？』

④二廣示^{分二}

④一約研破總示^{分三}

④一就法研破

佛告阿難：『汝今已得須陀洹果，已滅三界衆生世間見所斷惑，然猶未知根中積生無始虛習。彼習要因修所斷得，何況此中生住異滅，分劑頭數？今汝且觀現前六根，爲一爲六？阿難！若言一者，耳何不見？目何不聞？頭奚不履？足奚無語？若此六根決定成六，如我今會與汝宣揚微妙法門，汝之六根，誰來領受？』

阿難言：『我用耳聞。』

佛言：『汝耳自聞，何關身口？口來問義，身起欽承。

是故應知非一終六，非六終一，終不汝根元一元六。

阿難！當知是根非一非六。由無始來顛倒淪替，故於圓湛一六義生。汝須陀洹，雖得六銷，猶未亡一。

④二借喻顯理

如太虛空參合群器，由器形異，名之異空，除器觀空，說空爲一。彼太虛空云何爲汝成同不同？何況更名是一非一？

④三以法合喻

則汝了知六受用根，亦復如是。

④二約行相別示^{分二}

① 一明從真起妄六用偏局分三

② 一別示生起之由分六

③ 一示眼根結相

由明暗等二種相形，於妙圓中粘湛發見。見精映色，結色成根。根元目爲清淨四大，因名眼體，如蒲萄朶。浮根四塵，流逸奔色。

④ 二示耳根結相

由動靜等二種相擊，於妙圓中粘湛發聽。聽精映聲，卷聲成根。根元目爲清淨四大，因名耳體，如新卷葉。浮根四塵，流逸奔聲。

⑤ 三示鼻根結相

由通塞等二種相發，於妙圓中粘湛發嗅。嗅精映香，納香

成根。根元目爲清淨四大，因名鼻體，如雙垂爪。浮根四塵，流逸奔香。

⑥ 四示舌根結相

由恬變等二種相參，於妙圓中粘湛發嘗。嘗精映味，絞味成根。根元目爲清淨四大，因名舌體，如初偃月。浮根四塵，流逸奔味。

⑦ 五示身根結相

由離合等二種相摩，於妙圓中粘湛發覺。覺精映觸，搏觸成根。根元目爲清淨四大，因名身體，如腰鼓顛。浮根四塵，流逸奔觸。

⑧ 六示意根結相

由生滅等二種相續，於妙圓中粘湛發知。知精映法，攬法

成根。根元目爲清淨四大，因名意思，如幽室見。浮根四塵，流逸奔法。

④ 一總結偏局之相

阿難！如是六根，由彼覺明，有明明覺；失彼精了，粘妄發光。是以汝今離暗離明，無有見體；離動離靜，元無聽質；無通無塞，艱性不生；非變非恬，嘗無所出；不離不合，覺觸本無；無滅無生，了知安寄？

⑤ 一明返妄歸真六根互用^{分二}

④ 一明返妄圓拔

汝但不循動靜、合離、恬變、通塞、生滅、明暗。如是十二諸有爲相，隨拔一根，脫粘內伏。伏歸元真，發本明耀。耀性發明，諸餘五粘應拔圓脫，

⑤ 一明歸真互用^{分二}

⑥ 一證互用之相

不由前塵所起知見。明不循根，寄根明發，由是六根互相爲用。

阿難！汝豈不知今此會中，阿那律陀無目而見，

跋難陀龍無耳而聽，

菟伽神女非鼻聞香，

憍梵鉢提異舌知味，

舜若多神無身覺觸。如來光中，映令暫現，既爲風質。其體元無。

諸滅盡定得寂聲聞，如此會中摩訶迦葉久滅意根，圓明了知不因心念。

⑩二明互用所以^{分三}

①一示妄體本真

阿難！今汝諸根若圓拔已，內瑩發光。如是浮塵及器世間諸變化相，如湯銷冰，應念化成無上知覺。

②一指現量為證

阿難！如彼世人，聚見於眼。若令急合，暗相現前，六根黯然。頭足相類。彼人以手循體外繞，彼雖不見，頭足一辨，知覺是同。

③三示以修顯性

緣見因明，暗成無見。不明自發，則諸暗相永不能昏。根塵既銷，云何覺明不成圓妙？』

④一決通疑滯^{分二}

丑三 驗聞根不生滅性
密令選耳門圓通

⑤一明因果俱常決通初義^{分二}

⑥一疑問

阿難白佛言：『世尊！如佛說言，因地覺心，欲求常住，要與果位名目相應。世尊！如果位中，菩提、涅槃、真如、佛性、菴摩羅識、空如來藏、大圓鏡智，是七種名。稱謂雖別，清淨圓滿。體性堅凝。如金剛王常住不壞。若此見聽。離於明暗動靜通塞畢竟無體，猶如念心。離於前塵。本無所有。云何將此畢竟斷滅以為修因。欲獲如來七常住果？世尊！若離明暗，見畢竟空；如無前塵，念自性滅。進退循環。微細推求，本無我心及我心所，將誰立因求

無上覺？如來先說湛精圓常，違越誠言，終成戲論。云何如來真實語者？惟垂大慈，開我蒙愵！」

⑤ 三不答^{分三}

⑥ 一斥迷許說

佛告阿難：「汝學多聞，未盡諸漏，心中徒知顛倒所因，真倒現前，實未能識。」

⑦ 二指事除疑^{分二}

⑧ 一詰根塵顯迷倒

恐汝誠心猶未信伏，吾今試將塵俗諸事，當除汝疑。」

即時如來敕羅睺羅擊鐘一聲，問阿難言：「汝今聞不？」

阿難大眾俱言：「我聞。」

鐘歇無聲，佛又問言：「汝今聞不？」

大佛頂首楞嚴經科會

四五

大佛頂首楞嚴經科會

四六

阿難大眾俱言：「不聞。」

時羅睺羅又擊一聲，佛又問言：「汝今聞不？」

阿難大眾又言：「俱聞。」

佛問阿難：「汝云何聞？云何不聞？」

阿難大眾俱白佛言：「鐘聲若擊，則我得聞，擊久聲銷，音響雙絕，則名無聞。」

如來又敕羅睺羅擊鐘，問阿難言：「汝今聲不？」

阿難大眾俱言：「有聲。」

少選聲銷，佛又問言：「爾今聲不？」

阿難大眾答言：「無聲。」

有頃羅睺羅更來撞鐘，佛又問言：「爾今聲不？」

阿難大眾俱言：「有聲。」

佛問阿難：『汝云何聲？云何無聲？』

阿難大衆俱白佛言：『鐘聲若擊，則名有聲；擊久聲銷，音響雙絕，則名無聲。』

佛語阿難及諸大衆：『汝今云何自語矯亂？』

大衆阿難俱時問佛：『我今云何名爲矯亂？』

佛言：『我問汝聞，汝則言聞；又問汝聲，汝則言聲。唯聞與聲，報答無定，如是云何不名矯亂？』

⊕一就聞性示因常

阿難！聲銷無響，汝說無聞。若實無聞，聞性已滅，同於枯木。鐘聲更擊，汝云何知？知有知無，自是聲塵或無或有；豈彼聞性爲汝有無？聞實云無，誰知無者？

是故，阿難！聲於聞中自有生滅，非爲汝聞聲生聲滅。令

汝聞性爲有爲無。汝尙顛倒，惑聲爲聞，何怪昏迷，以常爲斷？終不應言「離諸動靜閉塞開通」說聞無性。

如重睡人，眠熟床枕。其家有人，於彼睡時擣練舂米。其人夢中聞舂擣聲，別作他物，或爲擊鼓，或爲撞鐘，即於夢時自怪其鐘爲木石響。於時忽寤，遡知杵音。自告家人：『我正夢時，惑此舂音將爲鼓響。』

阿難！是人夢中，豈憶靜搖閉閉通塞？其形雖寐，聞性不昏。縱汝形銷，命光遷謝，此性云何爲汝銷滅？

⊕二會通結示

⊕一明迷故常卽無常

以諸衆生從無始來，循諸色聲，逐念流轉，曾不開悟性淨妙常；不循所常，逐諸生滅，由是生生雜染流轉。

① 二明悟故無常即常

若棄生滅，守於眞常，常光現前，根塵識心應時銷落。想相爲塵，識情爲垢，二俱遠離，則汝法眼應時清明，云何不成無上知覺？」

大佛頂首楞嚴經 卷四